



**R.P. Petri Leurenii Societatis Jesu, SS. Theologiæ
Doctoris, & SS. Canonum Professoris Vicarius Episcopalis,
Sive Tractatus Quaternarius Per Quæstiones & Responsa
Canonica Deductus**

Leuren, Peter

Coloniae Agrippinae, 1708

22. Num quoque Cardinales (intellige non Episcopi) in ecclesiis sui tituli
creare possint Vicarium generalem.

[urn:nbn:de:hbz:466:1-74203](#)

variis speciebus, constitutione, qualitatibus.

Questio 22. Num quoque Cardinals (intellige non Episcopi) in Ecclesiis sui tituli crea-re possint Vicarium generale?

Respondeo affirmative; habent enim ibidem hi Cardinales jurisdictionem Episcopalem. Sbroz. l. 1. q. 3. num. 22. videntur tamen hi Cardinalium Vicarii dici posse Vicarii quasi Episcopales, seu ad instar Episcopaliū, propter jurisdictionem, quam vice suorum principalium seu Cardinalium exercent quasi Episcopalem. Num vero dici possit, habere hos Vicarios jurisdictionem ordinariam, & idem cum suis Principalibus tribunal, sicut habent Vicarii Episcopales generales, meritò dubitari potest; cum nihil quod ad hoc de iis in jure dispositum inveniatur. Habent quoque & constituunt hi Cardinales Officiales suos & Vicarios Ecclesiarum ac Monasteriorum, quae per eos in commendam, vel ex alio titulo possidentur: C. de Luca in miscell. d. 23. num. 12. ubi etiam, quod Vicarius isti Cardinalium non sint eorum familiares in ordine ad regulas Can-cellariae pro reservationibus Apostolicis, & pro Ju-re Cardinalium in nominationibus.

Questio 23. An & quando Archiepiscopus constituere possit Vicarium generale in Di-cecibus suorum Suffragancorum?

Respondeo primò: Praescindendo à casu devo-lutionis ob negligentiam Episcopi, id non posse Metropolitanos. Siquidem canones prohibit Archiepiscopis ingressum Diocesum Suffraganeorum suorum, ut ibi autoritate propria judicent, aliudve agant. Sbroz. l. 1. q. 63. num. 1. juxta Rō-mana. de off. Vicar. in 6. Unde neque constituere possunt in Suffraganeorum suorum Diocesibus Officiales seu Vicarios foraneos pro incipiendis vel cognoscendis contractibus coram illis, aut ad facien-das citationes & inhibitiones in causis appellationis à dictis Suffraganeis ad ipsum Archiepiscopum de-volvendis, eti in causis jam devolutis vices suas alteri committere possit Archiepiscopus in Diocesibus suorum Suffraganeorum. Sbroz. loc. cit. à n. 2. juxta quod hæc omnia disponuntur in cit. i. Romana. Sane à fortiore hinc sequitur, non posse Archiepiscopum in dictis Diocesibus constituere Vicarium generale Episcopi, seu committere ei universi-tatem caularum spectantium ad jurisdictionem dicti Episcopi.

2. Respondeo secundò: Ubi tamen Episcopus negligeret constituere Vicarium, ubi ad hoc tene-retur, potest & debet Metropolitanus præfigere illi terminum ad constitendum Vicarium, quo elapso, si non constitutus, ipsemet Metropolitanus Vi-carium constituet, vel Episcopum ad illum consti-tendum cogere potest. Pirk. loc. cit. c. 1. cit. Ugolin. de off. Episc. p. 1. c. 4. §. 6. num. 2. Sbroz. l. 1. q. 46. num. 4. & exactius q. 57. per tot. citans c. 1. eum finis. 9. q. 3. ubi dicitur; si Episcopus non fatageret statuere Oeconomum in sua Ecclesia, Metropolitanus eum constituere potest; accipiendo Oeconomum pro Vicario, & c. nov. 16. q. 7. Item Trident. c. 16. seq. 24. & pro dicta practica seu modo in hoc proce-dendi præfigendo terminum citat. Abb. in C. quoniam, de off. Ordinar. n. 4. Cuch. Inst. Juris can. de Vicar. cit. 8. num. 13. l. 2. & num. 39. Quod si vero Eccle-sia sit exempta seu subjecta Metropolitanu, Episcopo illius negligente constituere Vicarium, non Metropolitanus, sed propinquior Episcopus in ea

deputabit Vicarium. Et si ipse Metropolitanus in sua Ecclesia negligat constituere Vicarium, eum constituut antiquior ex Suffraganeis. Sbroz. l. 1. q. 58. citans Cuchum ubi ante citat quoque Trident. seq. 24. c. 16. verum illud loquitur ibidem tantum de Ca-pitulo Sede vacante negligente constituere Vicari-um. Videtur tamen id à pari procedere in Episco-po Metropolitanu vel exempto, negligente consti-tuere Vicarium, dum ad hoc tenetur.

Questio 24. Num Administrator Episcopo-tus, qui quandoque ex a Papa dari solet, con-stituere possit Vicarium generale?

Respondeo affirmatiue; Quia succedit in ordina-tia jurisdictione Episcopi, & equiparatur quod ad potestatem Capitulo Sede vacante. Pirk. ad m. de off. vicar. n. 29. in fine. Num vero Administrator Episcopatus datus Episcopo vivente, v.g. quis ille est adhuc in minore ætate, &c. substituere possit Vicarium generale, dubitatur. Videtur id posse, quia gerit jurisdictionem & potestatem ordinaria-rem Episcopi, qui id potest.

Questio 25. An Capitulum Episcopo viro absente vel negligente Vicarium possit con-stituere?

Respondeo: Sive Episcopus sit negligens in constituendo Vicario, si sit absens, eo refragante Capitulum non posse constituere Vicarium allerit Sbroz. l. 1. q. 59. ex Bero. cons. 23. à n. 4. ad finem usque vol. 1. Quod imprimis certum est de Episcopo negligente; quia in eo casu iura statuunt modum alium supplendi hanc negligentiam, circa quoddam constitutio Vicarii devolvatur ad Capitulum juxta dicta quest. preced. verum in casu absentie di-turne, v.g. Episcopo ducto in captivitatem, aut versante in remotis, Vicario illius, quem ipse con-stituerat interea mortuo, videtur dicendum contra-rium; cum enim in utroque illo casu administra-tio Diocesis devolvatur ad Capitulum, quem ad-modum sit sede vacante (in illis enim casibus Ec-clesia quasi vacat) juxta dicenda in seq. q. 3. potest constituere Vicarium, penes quem sit jurisdictionis exercitium seu administratio. Vide dicenda qua si-ione post hanc 2. De cetero, ut dicetur alibi, iste Vicarius à Capitulo tunc constitutus, dicendus non erit propriè Vicarius generalis Episcopi, sed Capituli, & Vicarius generalis jurisdictionis Episcopalis.

Questio 26. An à Papa quoque soleat quandoque constitui Vicarius generalis Episcopi?

Respondeo affirmative. Pignat. To. 10. consil. 129. num. 6. ubi etiam ex Paris. consil. 80. num. 22. l. 1. Sanch. de matrim. l. 3. d. 31. quod Vicarius ille Episcopalis à Papa constitutus, majorem habeat fa-cultatem, praesertim in substituendo sibi alium, quam Vicarius generalis ab Episcopo constitutus. Et ex Gratian. discept. for. discept. 106. n. 29. ac. 30. & discept. 111. n. 56. quod iste Vicarius Episcopi à Papa constitutus habeat omnes qualitates, quæ ipsi Episcopo in-sunt, & proprieatate sit æqualiter honorandus, & quæ sit differentia inter utrumque remissive ad gratiam. Quà vero de causa statuatur talis Vicarius à Sede Apo-stolica, quamque jurisdictionem habeat respectu quo ad Episcopum, & qualiter ab eo sit in auctorib-ili, dicetur q. seq.

Quæ-